


AWIG-AWIG  
DESA ADAT MENDEK



DESA WANAGIRI KECAMATAN SELEMADEG  
KABUPATEN DAERAH TINGKAT II TABARAN  
TAHUN 2000

BANTANG AWIG-AWIG DESA ADAT . ~~MEMUKA~~ . . . . .

Kaca

MURDDHA CITTA . . . . .		1
PRATHAMAS SARGAH	ARAN LAN WEWIDANGAN DESA . . . . .	1
DWITIIYAS SARGAH	PATITIS LAN PAMIKUKUH . . . . .	2
TRTIYAS SARGAH	SUKERTAN TATA PAKRAMAN . . . . .	2
	Palet 1 Indik Krama . . . . .	2
	Palet 2 Indik Prajuru lan Dulun Desa . . .	5
	Palet 3 Indik Kulkul . . . . .	7
	Palet 4 Indik Paruman . . . . .	7
	Palet 5 Indik Druwen Desa . . . . .	9
	Palet 6 Sukerta Pamitegep . . . . .	10
	Kaping 1 Karang, Tegal, lan Carik.	10
	Kaping 2 Pepayonan . . . . .	10
	Kaping 3 Wewangunan . . . . .	11
	Kaping 4 Wewalungan . . . . .	11
	Kaping 5 Bhaya . . . . .	12
	Kaping 6 Panyanggran Banjar . . . .	13
CATURTHAS SARGAH	SUKERTAN TATA AGAMA . . . . .	13
	Palet 1 Indik Dewa Yajnya . . . . .	13
	Palet 2 Indik Resi Yajnya . . . . .	15
	Palet 3 Indik Pitra Yajnya . . . . .	16
	Palet 4 Indik Manusa Yajnya . . . . .	19
	Palet 5 Indik Bhuta Yajnya . . . . .	19
PANCAMAS SARGAH	SUKERTAN TATA PAWONGAN . . . . .	20
	Palet 1 Indik Pawiwahan . . . . .	20
	Palet 2 Indik Nyapihan . . . . .	21
	Palet 3 Indik Sentana . . . . .	21
	Palet 4 Indik Warisan . . . . .	21
SAT SARGAH	WICARA LAN PAMIDANDA . . . . .	22
	Palet 1 Indik Wicara . . . . .	22
	Palet 2 Indik Pamidanda . . . . .	22
SAPTAMAS SARGAH	NGUWAH-UWUHIN AWIG-AWIG . . . . .	23
ASTAMAS SARGAH	SAMĀPTA . . . . .	24

MURDDHA CITTA

OM AWIGHNAM ASTU NAMA SIDDHAM !

Sembah bakti miwah pangastawan titiang majeng ring paduka Bhatara-Bhatari sesuwunan titiang sami, riantukan wantah malarapan panghyangning kalih paswecan Ida Sang Hyang Widhi Wasa Agung ker tawaranugraha nyresti jagat jangkep rawuhing sadagingnya sami, mawinan wenten kahuripan sekala niskala ring Bhuwana Agung miwah ring Bhuwana Alit, Manut dresta, Desane kamanggehang dados pasayuban Krama Desa rawuhing kulawarga pawongannya sami, mawastu raris Desane kamanggehang pinaka pawakan Bhuwana Agung, pawongannya ka manggehang pinaka pawakan Bhuwana Alit.

Sotaning pawakan Bhuwana Agung, Desane taler kamanggehang pinaka pawakan bhawa mahurip, sane kacirenin antuk wertene pakilit Tri Hita Karana sane nenten dados pasahang, luwire :

- ha. Parhyangan, sahanan parhyangan panyiwian Desa, genah ngarcana bhawan Ida Sang Hyang Parama Wisosa, pinaka jiwa Desane;
- na. Pawongan, gebogan Krama saha warga Desa maka sami pinaka bayu pramanan Desane, mawinan Desane prasida maolah prawreti;
- ca. Palemahan, sahananing tanah kekuwuban wewidangan Desa, pinaka stulan Desane.

Adung patemoning Bhuwana Agung ring Bhuwana Alit, maka lara pan ngupadi santa jagadhita, punika sinanggeh murddhaning prayojana pangriptaning awig-awig iki, rikala paseban mami Krama Desa Adat Mendek ..... pinaka sepat siku-siku pamatut miwah pamutus wastu kasidan prayojanan mami kabeh, prasama angidep muwah amageh aken linging awig-awig kadi ring sor iki.

PRATHAMAS SARGAH

ARAN LAN WEWIDANGAN DESA

Pawos 1

- (1) Desa Adat puniki mawasta Desa Adat Mendek .....
- (2) Jebar kekuwub wewidangannya mawates nyatur desa :
  - ha. Sisi wetan Tukad Yeh Le .....
  - na. Sisi kidul Yeh Masakar .....
  - ca. Sisi kulon Tukad Yeh Otan .....
  - ra. Sisi lor .. Bedugul Bengkel Kerta ...
- (3) Jebar kekuwub wewidangan sane kawengku antuk wates-wates inucap wenten : .. 150..... Ha.

- (4) Sane kemasaghehang agrarajiang dados kakuwub wewidangan Desa Adat pusiki, masut dresta luwira :
- na. Pupulan karang paumahan sane amsaggeh Palembang Desa pakraman;
- sa. Setra, carik miwah tegal sane wonten ring kakuwub wewidangan Desa Adat pusiki sejabaning Palembang Desa Pakraman, manggeh agrarajiang dados Tlajakar Desa Adat Mendek.
- (5) Desa Adat pusiki kemasaghehang antuk Banjar Mendek kewantes
- (6) Awig-awig, Pararem miwah sehanan pasuaran Desa, manggeh kajejerang ring jebat kakuwub wewidangan Desa Adat pusiki sami.

DWI TIYAS SARGAH  
PATI TIS LAN PAMIKUKUH

Pawos 2

Desa Adat Mendek ngamanggehang pamikukuh, minakadi :

- (1) Pancasila.
- (2) Undang-Undang Dasar 1945, Pamekas pasal 18.
- (3) Tri Hita Karana, masut sadacara Agama Hindu.

Pawos 3

Luwir Patitis Desa Adat Mendek.

- (1) Mikukuhin miwah agrarajiang Sanghiang Agama.
- (2) Nginggilang tata prawretine maagana.
- (3) Ngrarajiang kasukertan Desa saha Pawongannya sekala lam nisikala.

TRI YAS SARGAH  
SUKERTAN TATA PAKRAMAN

Palet 1

Indik Krana

Pawos 4

- (1) Sabananing sang jenek mapanahan ring wawengkon wewidangan Desa Adat Mendek Sinsaggeh warga Desa
- (2) Warga Desa imucap ring ajeng, linggih nyame wonten 2 (kalih) soroh :
 

na. Warga Desa sane maagana Hindu tur saresg nyungkemin Kabuyutan Desa Adat Mendek sinsaggeh Krana Desa Adat Mendek.

sa. Sejabat pusika, sinsaggeh Tamu, sane kasulurang masut-Pararem.

## Pawos 5

Wusan Yakraman :

- (1) Sahanan Warga Desa sane sampun marabian, patut ngawit dados Krama Desa.
- (2) Satunggil Krama, manut karendahan kulawargannya, patut keni sina-  
lih tunggil ayah-ayah :  
ha. Ayahan Ngarep.  
na. Ayahan Balu.
- (3) Sesengker ngawit tedun ngayah :  
ha. Marep ring Krama Desa sane mawit saking pawiwahan, . . . . .  
. . . . . saking puput makala-kalan.  
na. Marep ring Krama Desa sane mawit saking ngarangin, kasu-  
lurang manut pararem.
- (4) Krama Desa sane wenang nyada yan sampun kapastika, luwire :  
ha. sungkan tahunan;  
na. yan sampun maderbe pangentos utawi panyeledi;  
ca. risampun mayusa . . . . . warsa.
- (5) Sang saking sewosan desa yan sareng tedun makrama desa ring  
Desa Adat Mendek . . . . . patut keni batu-batu utawi pamogpog, sane  
agengnya kasulurang manut pararem.
- (6) Yening wenten krama saking sewosan desa sareng ngranjing ma-  
krama desa ring Desa Adat Mendek . . . . . patut kadulurin sntuk  
surat katerangan sane jangkep.

## Pawos 6

Wusan dados Krama Desa, luwire :

- (1) Sangkaning :  
ha. seda;  
na. pinunas ngraga, manawi magingsir linggih saking wewengkon  
Desa Adat Mendek . . . . . ;  
ca. kanorayang, malantaran piwal ring awig-awig miwah Pararem  
Krama Desa, utawi tan satinut ring pituduk Prajuru sajero-  
ning indik nyupat sikian, minakadi nenten prasida ngesehin  
prawreti;  
ra. Tata-titine nitenin wusan dados Krama Desa inucap ring  
ajeng, kasulurang manut pararem.
- (2) Sang wusan dados Krama Desa tan polih pahpahan druwen Desa,  
sajawaning pahpahan sane mawit saking utsahan Banjar, miwah  
tan polih pasayuban malih sajeroning ala ayu.

Pawos 7

- Bahanan Krama Desa, patut keni tetegenan utawi ayah-ayah, luwire :
- (1) Ayahan Ngarep, mapiteges paturunan miwah ayahan memungkul saking Krama Ngarep.
  - (2) Ayahan Balu, luwire :
    - ha. Balu remban, sane pianaknyane kantong lait-alit, punika keni ayahan balu remban, sane kasulurang manut pararem.
    - na. Balu ngelintik, keni ayah-ayah balu manut balunnyane, yan lanang keni ayahan lanang, yan istri keni ayahan istri.
  - (3) Ritatkala ngardi wewangunan kabuatan Desa Adat, Kramane sajaba keni ayahan manut pawos 7, taler keni paturunan sakadi ring sor :
    - ha. Paturunan samawibhaga manut pararem.
    - na. Dana Punia, manut kalascaryan sang madana punia.
  - (4) Krama Desa, kadadosang :
    - ha. Mapuangkid utawi tan tedun ngayah/parum :
      - 1). Rikala mapawangunan, ngraabin, nangun yajnya, nandur, kaluwasan masengker dewasa;
      - 2). keni dedawuhan saking Guru Wisesa;
      - 3). kapialang, luwire : sungkan, matepetin, kalayusekaran, lan sakancan punika.
    - na. Dados ngwakilang ring jadma tiosan, sane sampun menek daa/truna.
    - ca. Dados mogpog utawi numbas yahan, prade :
      - 1). dados Pegawai Negeri utawi Pegawai Perusahaan Swasta;
      - 2). magenah ring desa sewosan malantaran ngreroh pakaryan.
    - ra. Dados nyeledif utawi nyuksukin Krama Ngarep yan sampun mayusa 17 warsa.

Pawos 8

Kapatutan Krama Tamiu :

- (1) Krama Tamiu, patut madana punia ring Desa Adat/Banjar, manut pararem.
- (2) Krama Tamiu, patut polih pasayuban marupa pitulung rikenjekan katiben pancabhaya.

Pawos 9

Paturunan miwah Leluputan :

- 1) Paturunan utawi peson-peson sajeroning ngulati kasukertan Desa Adat/Banjar, kapitegenang ring Krama Desa/Banjar.
- 2) Desa/Banjar, maweh leluputan ayah-ayah miwah peson-peson ring sang inggiling linggih miwah sang kawelasarsan.
- 3) Sor inggih leluputan miwah bacakan sang poli leluputan, kaunggahang jeroning Pararem.

- (4) Sajawaning Prajuru Desa/Banjar, sane taler pastika polih lelu-  
putan , luwire :  
ha. para sadhaka, minakadi Pemangku Kahyangan/Panyuwjan Desa,  
lan panyadé;  
na. para surati lan sutri ;  
ca. sang sungkan tahunan ;  
ra. wong cedangga banget ;  
ka. wong ubuh meme bapa, jantos mayusa pitulas warsa .

Palet 2 .

Indik Prajuru lan Dulun Desa .

Pawos 10 .

- (1) Desa Adat Mendek kaenter antuk Prajuru Desa Adat,  
kamenggala antuk Bendesa Adat .  
(2) Prajuru Desa Adat/Banjar , patut ;  
ha. mawit saking Krama Ngarep Utawi Pngele ;  
na. kaadegang Prajuru malantaram pamilihan jeroning Paruman Krama  
Desa /Banjar , nyabran tigang warsa , sajawaning wenten pari  
indikan tios , tur sang sampun puputing panumaya ,  
kengin kapilih malih ;  
ca. maduluran atur piuning ring Pura Desa .

Pawos 11 .

- (1) Bendesa Adat , Karombo antuk ;  
ha. Panyade , pinaka Wakil Bendesa Adat .  
na. Panyarikan , pinaka juru surst .  
ca. Patengen , pinaka Pangemong Druwen Desa .  
ra. Kasinoman , pinaka Juru Gumencang .  
2) Sajeroning ngenterang kasukertan kaniskala , Bendesa Adat ,  
patut misinggihang Pamangku Kahyangan Desa .  
3) Prajuru Desa taler ngadegang Dulun Desa Utawi Panglingsir,  
sane sinanggeh Kerta Desa , mawit saking Prajuru sane sampun  
puputing panumaya , sang wikan ring adat miwah agama , Kepala Desa  
miwah sane lianan , sane kasulurang manut Pararem .

Pawos 12

- (1) Swadharmaning Bendesa Adat , luwire ;  
ha. Ngenterang paruman-paruman Desa / Banjar .  
na. Ngenterang panglaksanaan sadaging awig-awig miwah pamutus-  
pamutus Krama Desa / Banjar , sane sinanggeh Pararem .  
ca. Ngraksa miwah nudonang tata-titine wigunayang sarajabrana  
druwen Desa .

- pa. Nuntun saha ngenterang Krama Desa rawuhing Warga Desa sa-  
mi, egupadi kasukertan sakala lan niskala.
- ka. Nuntun saha nyaksi upacara sangaskaraning kaharipan sane  
sabat, minakadi sane ngilitang sulur pakulawargan.
- ja. Nuntun saha ngenterang Warga Desa nginggilang Sang Hyang  
Agama, kasucian Kahyangan, kasucian Palembang, kasucian Pa-  
wangan, miwah tata-titine migunayang Setra.
- ta. Mawosin miwah niwakang pamutus marep ring wicaran Warga Desa.
- sa. Ngwakililn Desa/Banjar, matemuang bebawos ring sapa sira ugi.
- wa. lan sane sewosan sane wenten paklitnya ring Desa/Banjar.
- 2) Tata-titine nglaksanayang swadharma inucap ring ajeng, tan ma-  
ren patut satinut ring daging awig-awig, pararem, dresta miwah  
pamutus paruman Desa/Banjar.
- 3) Panglaksanane ring ajeng patut kasiarang ring Desa/Banjar ka-  
pangkuripun.
- 4) Susakuta utawi sumanggup natak pamutus paruman Desa/Banjar,  
ngeninin swadharman sowang-sowang Prajuru.

## Pawos 13

- Patias utawi olih-olihan Prajuru/Dulun Desa, luwire :
- na. luput reramon utawi peson-peson;
- ka. luput paturunan marep ring kabuatan Desa/Banjar;
- ca. polih tanding tengah;
- pa. polih pah-pahan upon-upon pelaba carik/tegal druwen Desa;
- wa. patias sewosan manut pararem.

## Pawos 14

- (1) Prajuru/Dulun Desa, kapilih nyabran tingang.. warsa, ngawit saking  
padiwasane kaadegang Prajuru/Dulun Desa.
- (2) Prajuru/Dulun Desa sane swadharmanya sampun puputing sengker,  
kengin kapilih malih.
- (3) Pari indikane ngadegang Prajuru/Dulun Desa sakaluwire, kapasti-  
kayang malarapan Paruman Krama Desa tur kaingkupin antuk Krama.
- (4) wusan dados Prajuru/Dulun Desa, sangkaning :
- na. lina;
- ka. pinunas ngraga malantaran jalaran sane patika;
- ca. swadharmanya sampun puputing sengker;
- pa. kawusanang/kanorayang olih Krama Desa duaning iwang pamar-  
gi, menawi nilar sesana.
- 5) Ngentosin, ngwusanang utawi nganorayang Prajuru/Dulun Desa, patut  
kanargiang sajeroning Parusan Krama Desa tur kaingkupin antuk  
Krama Desa.

Palet 3

Indik Kulkul

Pawos 15

Dudonan kulkul ring Desa Adat ... Mendek.....,luwire :  
 na. Kulkul Desa;  
 na. Kulkul Banjar;  
 ca. Kulkul sekaa-sekaa.

Kulkul Desa/Banjar, kamanggehang pinaka piranti utawi sarana tengeran maka wangsit, ring wewengkon wewidangan Desa/Banjar. Tetepakan suaran kulkul manut dresta, tur anggah-ungguh tetepakanipun kaunggehang Jeroning Pararem.

Pawos 16

Kulkul Desa/Banjar, tan wenang katepak yan tan sangkaning pituduh Prajuru, sajawaning tengeran kapancabhayan. Sang nepak Kulkul Desa/Banjar, tan sangkaning pituduh Prajuru, patut digelis atur supeksa maka buatan panepake; yan piwal, sang mamurug wenang katibakin danda, manut pararem.

Kulkul sekaa-sekaa miwah kulkul pondokan-pondokan, tan kalugra nyawerin utawi matchin sukat miwah tetepakan Kulkul Desa/Banjar; prade mamurug, sang mamurug taler wenang katibakin danda, manut pararem.

Palet 4

Indik Paruman

Pawos 17

Dudonan Paruman ring Desa Adat - Mendek.....,luwire :

na. Paruman Krama Desa, kawentenang sanistannya apisan jeroning awarsa utawi manut kabuatan, sane karihinin antuk tetibak arah-arah.

na. Paruman Padgatakala, rehning wenten indik sane dahat mabuat sane pacang kabawosang, sane karihinin antuk tetibak arah-arah.

ca. Paruman Krama Banjar, kawentenang nyabran sasih nenten majalaran arah-arah malih, duaning sowang-sowang Banjar sampun maderbe tegak sangkepan sane pastika, manut pararem ring sowang-sowang Banjar.

ra. Paruman Prajuru/Dulun Desa, kawentenang manut kabuatan.

ka. Paruman sekaa-sekaa, kawentenang manut kabuatan.

Pamargin Paruman Krama Desa/Banjar, patut nganutin dudonan :

na. Paruman wahu kengin kakawitin sesampune katedunin antuk pinih kedik kalih pah tiga lintang saking <sup>→ s/ny</sup>patut ngamiletin, kamanggala antuk tengeran suaran kulkul, mabusana adat Bali, tan kalugra makta gegawan sakaluwire, karihinin antuk ngarcana Bhagawan Panyarikan majalaran widhi widhana lan cane.

- na. Maka pangawit, kalaksanayang panyacak pangesepe, karuntutin antuk nyacak dedonan, wahu kalanturang antuk parum; sesampun parumane puput, patut kacacak malih, tur sane kasep, sang ninggal paruman miwah sane nosa, wenang katibakin danda, sane ageng alitipun, kasulurang manut pararem.
- ca. Maka pamastika wahu kengin nyacak pangesepe, kasulurang manut pararem.
- ra. Sajeroning paruman tan kalugra ngwetuang wak ghora minakadi ngardi biota; sang mamurug, wenang keni pamidanda bea pacamil, sakadi dandaning anguman-uman ring paseban, sane kasulurang manut pararem.
- ka. Pamutus bebawos sane briuk sapanggul utawi ingkup, punika sane kaaptiang tur kamanggehang.
- Prade daging peparumane nenten kaingkupin, Prajuru Desa/Banjar mangda ngilikang bebawos, saha pamutusna mangda kararemin antuk Krama Desa/Banjar; bilih jantos ping tiga taler nenten praside kaingkupin, Prajuru Desa/Banjar dados nunas bawos ring Kerta Desa nganutin dudonan : kaingkupan paigumar. Prajuru, kaingkupan paiguman Kerta Desa, pinih untat, malih katunasang pamutus sajeroning Paruman Krama Desa/Banjar.

## Pawos 18

Sajeroning Paruman Krama Desa, Bendesa Adat patut riyarang pamaragine ngenterang Desa, pamekas ngeninindik :

ha. Munjuk lungsuring gebogan pakraman saha ayah-ayahnyane, minakadi sulur arthabrana druwen Desa.

na. Pangrencanan Prajuru, ngeninin utsahan Desane kapungkur. Pamutus Paruman Krama Desa sane sinanggeh Pararem, kamanggehang maka pamitegep panglaksanaan awig-awig.

## Pawos 19

Paruman Prajuru/Dulun Desa, kawenangang wantah ngrincikang pangrencana marep ring utsahan Desane kapungkur.

Paruman Prajuru Desa, tan kawenangang ngamedalang tetegeran ring Krama Desa, saderenge kaingkupin antuk Krama Desa.

Pamutus Paruman Prajuru/Dulun Desa, kengin ngwetuang pasuara manut daging pituduh sang ngawa rat, utawi ngonekang pamutus sane pecak sampun dados Pararem Krama Desa.

## Palet 5

Indik Druwen Desa .

Pawos 20 .

(1) Sane kamanggehang dados druwen Desa Adat Mendek luwire ;

ha. Kahyangan Desa, luwire ;

1). Kahyangan Tiga; Pura Desa , Pura Puseh , Pura Dalen .

2). Kahyangan druwen Desa sewosan ring Kahyangan Tiga  
minekadi : Mrajepati , Palinggih Pempatan .

na. Setra 0,80 Ha .

ca. Niasa lan sesanti ;

ra. Lelangwan , minakadi tetabuhan lan ilen - ilen druwen Desa, luwire;

1) Angklung Abarung .

2) Lekita -lekita ; Pipil utawi sertipikat , awig - awig, psuara  
perarem .

2) Olih -olihan Desa Adat Mendek Mawit saking ;

Ha. Upon -upon saking tanah setra .

na. Paturunan saking Krama Desa .

ca. Paica saking Guru Wisesa .

ra. Dana punia sane patut .

) Sanangkan Paruman Krama Desa , Bendesa Adat patut nyiarang nunjuk  
lungsur upon -upon labé pura lan sapanunggalannya sane sinanggeh  
druwen Desa .

) Upon -upon pelabé Pura lan sapanunggalannya , kaanggen prabea piodalan  
miwah wewangunan ring pura , taler prabea tiosan maré ring kabuatang  
Desa Adat .

Sakaluwiring druwen Desa patut wenten lekitannya sane pastika .

Tan kalugra angadol utawi ngesahang druwen Desa yan tan kacumponin  
antuk Krama Desa sami .

Palet 6

Sukerta Pamitegep

Kaping 1

Karang, Tegal, lan Carik

Pawos 21

Krama Desa sane ngamong karang Desa utawi karang pumahan ngraga, patut ngwatesin karangnya sowang-sowang antuk pagehan/turus utawi tembok, mangda pakantenannya asri.

Watese sane mawasta gegaleng kaluan miwah gegaleng kateben mangda nganutin dresta, tur kakaryanin olih sang negen wates inucap.

Prade karasayang pagehan/turus inucap nglikadin, yan pada arsa panyandinge, watese kengin nganggen pinget utawi pracihna pal saking Agraria, sakewanten kasaksi antuk Prajuru Desa/Banjar.

Prade wenten karang kabebeng, mangda kautsahayang wenten pamesuannya sane pastika.

Pawos 22

Sinalih tunggil Krama Desa/Krama Banjar, nenten kalugra :

ha. ngalah-alah margi, karang desa, tegal ayahan desa, tegal/carik krama lian, lan sakancan punika;

na. ngalah-alah tegak kahyangan, setra, lan sakancan tegak sane sinanggeh suci.

Prade wenten mamurug kecape ring ajeng, sang mamurug, patut ngwaliang tanah inucap, tur sang ngalah-alah tegak suci, tiosan ring ngwaliang tanah tegak suci inucap, taler patut karuntutin antuk dewa danda miwah artha danda, sane kasulurang manut pararem.

Kaping 2

P e p a y o n a n

Pawos 23

Ngawit nandur pepayonan minakadi tanem tuwuh, patut adepa agung ngajeroang saking wates; pepayonan minakadi tanem tuwuh sane jantos ngliwat wates, wenang kasepatgantungin.

Pepayonan sane ngungkulin mawastu mayanin ka pisaga, sang nruwenang pepayonan inucap patut kawara tur kairing map'guman antuk sang rumasa katetehan, bilih-bilih sang nruwenang, arsa ngrebah utawi notor wit pepayonane punika.

Pradene sampun kawara taler tan wenten usaha sang nruwenang, sang rumasa katetehan wenang masadok ring Prajuru, tur risampune aparitatas kandugi wenten lelugrahan Prajuru, wahu wit pepayonane punika kengin karebah, sakewanten panukun patin wit pepayonane punika patut katahur olih sang rumasa katetehan manut panglokian sang nepasin, tur wit pepayonane sane karebah punika, kasuksehang ring sang nruwenang.

- (d) Sang patut keni pamidanda panyangaskara saha prabea manut pararem, marep ring wewangunan sang karubuhan, luwire ;  
 na. sang nruwenang wit pepayonan sane sinanggeh mayanin, pradene pungkut tur ngrubuhin wewangunan krama tiosan;  
 na. sang notor, monggol utawi ngrebah taru, tur ngrubuhin wewangunan krama tiosan.
- (e) Krama Desa patut ngamanggehang kawredian tanem tuwuh sane ngawinang Desane asri tur lestari sane kawastanin Bhuta Hita sane mateges kalestarian lingkungan hidup.
- (f) Sinalih tunggil krama sane pacang ngrebah pepayonan minakadi tanem tuwuh sane ngawinang Desane asri tur lestari, patut masadok ring Prajuru.

## Kaping 3

## W e w a n g u n a n

## Pawos 24

- (1) Nyabran ngwangun, sowang-sowang krama patut :  
 na. masadok ring Prajuru, pamekas marep ring wewangunan sane mapanyaitan minakadi menengin wates;  
 na. ngangge Asta Bhumi miwah gegulak Asta Kosali, sanistannya manut ring patitise ka niskala;
- (2) Prade wewangunane jantos nyayubin ka pisaga, bilih-bilih temboke ring telenging wates, risampune kawara tur kairing mapiguman taler tan wenten usaha sang nruwenang, kangkat kasadokang ring Prajuru; sesampune kaparitatas tur wenten lelugrahan Prajuru, sang nruwenang wenang keni danda manut pararem, tur tembok inucap patut kagubar olih sang nruwenang, sanistannya mangda kakaryanang abangan.

## Kaping 4

## W e w a l u n g a n

## Pawos 25

- 1) Sahanan warga desa sane miara wewalungan : bawi, banteng, lsp. mangda sayaga nitenin negul minakadi nglogor wewalungannya, mangda nenten ngrusak karang utawi pabianan krama tiosan, bilih-bilih jantos ngranjing ngletehin kahyangan.
- 2) Prade wenten wewalungan malubar utawi ngeleb tur ngrusak karang utawi pabianan krama sewosan, risampune kawara taler nenten wenten usaha sang nruwenang, yan wewalungan punika malih ngrusak karang utawi pabianan krama sewosan, wewalungan inucap kengin kataban, tur sang nruwenang wenang katibakin danda ngwaliang panukun wit tetanduran sane karusak, saha nahur panebas pepiaran tetabanan, manut panglokikan Prajuru Desa/Banjar.

Prade wenten wewalungan ngranjing jantos ngletihin genah suci, minakadi kahyangan, pamrajan lan sakancan punika, risampurne ka-paritetas antuk Prajuru, sang nrowenang wewalungan leucap wenang keni dewa danda lan artha danda, agung alitipun manut kecap sastra agama, sane kapikukuh antuk Krama Desa/Banjar. Krama Desa patut nyerayanin wewalungan miwah sarwa pranji, tan kapatut madewang paksi, nuba ulam lan sakancan punika, pinaka sinalih tunggil utsahan Krama Desa ngardi Bhuta Hita. Sang samurug kecape ring ajeng, wenang keni danda manut pararem.

## Kaping 5

## B h a y a

## Pawos 26

Bacakan bhaya, luwire : jiwabhaya, arthabhaya, agnibhaya, toyabhaya, lindubhaya, lsp. sane ketahipun kawastanin pancabhaya.

Sinalih tunggil krama sane manggihin praciha pastika wentene sahanan pancabhaya, patut digelis nepak kukul tenggeran kapanca-bhayan, tur digelis masadok ring Prajuru.

Prade Desene kahanan jiwabhaya, Krama Desane patut ngaturang upacara pamahayun Desa manut kecap sastra agama sane kapikukuh antuk krama, tur sang ngwetuang jiwabhaya, katur ring sang ngawawenang.

## Pawos 27

Sinalih tunggil krama sane manggihin praciha pastika wentene arthabhaya (kamalingan), patut digelis nepak kukul tenggeran pamitulung manut pawos 15 (4) utawi pawos 16 (1); sang kasulingan patut atur supeksa ring Prajuru; sang kacihnan ngamaling, katur ring sang ngawawenang, maweweh malih patut keni dewa danda lan artha danda manut pararem, yan ipun ngamaling barang druwen Desa sane sinanggeh suci.

Sowang-sowang krama Desa tan kapatut mapailonan ring dusta; sang kacihnan mapailonan ring dusta patut katibakin danda kadi dandaning maling, sane kasulurang manut pararem.

Indik ngreneh reramon minakadi daun kelapa, ron, miwah sane sewosan ring pabianan krama tiosan ri kenjekan suwung, kasulurang manut pararem.

Indik ngranjingin pakubon utawi pakarangan krama sewosan rikala suwung, mawastu raris sang maderbe pakubon utawi pakarangan ka-iculan, kasulurang manut pararem.

Indik ngranjingin pakubon utawi pakarangan krama sewosan rikala suwung riantukan wenten pisarat sane mabuat, minakadi mapangarah miwah kabustan sane lianan, kasulurang manut pararem.

## Kaping 6

## Panyanggran Banjar

Pawos 28

- (1) Krama Banjar ring sawewengkon Desa Adat ~~Meadek~~ ... patut sareng nyanggra karya suka-dukan sowang-sowang Krama Banjar.
- (2) Tetibak panyanggrane inucap ring ajeng, kasulurang manut pararem.
- (3) Sowang-sowang Krama Banjar sane pacang nangun karya suka-duka sane mabuat, mangda masadok ring Prajuru.

## CATURTHAS SARGAH

## SUKERTAN TATA AGAMA

Palet 1

Indik Dewa Yajnya

Pawos 29

- (1) Kahyangan-kahyangan panyiwian Krama Desa Adat ~~Meadek~~, luwire :  
 ha. Kahyangan Tiga : Pura Desa/Baleagung, Pura Puseh, Pura Dalem.  
 na. Kahyangan -kahyangan panyiwian Krama Desa tiosan ring Kahyangan Tiga : ~~Mraja Pati~~, ~~Palinggihan Pempatan~~ .....
- (2) Tegak piodalan ring sowang-sowang kahyangan inucap ring ajeng, kamanggehang sakadi ring sor puniki :  
 ha. Pura Desa/Baleagung ring rahina .. ~~Purnama Kadasa~~ .....  
 na. Pura Puseh ring rahina ~~.Purnama Kadasa~~ .....  
 ca. Pura Dalem ring rahina ~~.Purnama Kapat~~ .....  
 ra. Pura ~~Mraja Pati~~, ring rahina ~~.Purnama Kapat~~ .....  
 ka. ~~Palinggihan Pempatan~~, ring rahina ~~Purnama Kadasa~~
- (3) Pamargin pangacine ring sowang-sowang kahyangan inucap ring ajeng, manut kecap sastra agama, saha kalaksanayang kanista, madhyama, utama, manut kawentenan krama sane kaingkupin jeroning pararem.

Pawos 30

- (1) Ring sowang-sowang pura inucap ring ajeng, patut kaadegang Pamangku.
- (2) Pidabdabe ngadegang Pamangku, nganutin dudonan :  
 ha. ngwilang saking turunan utawi ngwaris;  
 na. malantaran nyanjan utawi nuhur ring pura sane karerehang Pamangku;  
 ca. malantaran kapilih antuk Krama Desa.
- (3) Sang tan wenang kaadegang dados Pamangku, luwire :  
 ha. cedangga, luwire : peceng, perot, cungh lan sapanunggilannya;  
 na. sapa sira ugi sane nenten kapatutang manut pararem;  
 ca. nandang sakit ila, ayan, buduh miwah pinungkan sane tan keneng tinamban;  
 ra. sang maderbe parilaksana nenten becik.

## (4) Prabea Kapamangkuan :

- ha. prabean upakara/upacara adiksa widhi utawi ngwintenang Pamangku, kamedalin miwah kalaksanayang antuk Krama Desa;
- na. marep ring prabean pitra yajnya ring Pamangku, Panyade, Serati, Sutri, yan seda ri wekas, Krama Desane patut naweh dana purnia atiwa-atiwa, manut pararem.

## (5) Pamangku, patut ngamanggehang sesana miwah agem-ageman Pamangku.

## Pawos 31

## Swadharmaning Pamangku, luwire :

- ha. ngenterang upacara piodalan ring kahyangan sane kaempon utawi ring pakubon sowang-sowang krama;
- na. prade sinalih tunggil Pamangku Kahyangan Desa kapialang utawi cuntaka, kengin nyelang Pamangku Kahyangan Desa tiosan, utawi nuhur sang sulinggih, katitenin antuk Prajuru;
- ca. yan Pamangku kalayusekaran, wenang anglepas swadharma, kasulurang manut pararem;
- ra. yan Pamangku sampun tigang rahina ngayah ring pura sane kaempon, kancit wenten kulawargannya kalayusekaran, Pamangku inucap tan keneng cuntaka, sakewanten nenten kengin budal salamin piodalan;
- ka. mungguh tedun ring palinggih-palinggih Kahyangan Desa miwah ngiyasin pralingga-pralingga, manut pamastikan Prajuru;
- da. ngrajegang sesanan Pamangku.

## Pawos 32

## Patias utawi olih-olihan Pamangku, luwire :

- ha. panyolongan miwah sarin canang rikala muput yajnya ring sowang-sowang pakubon krama;
- na. upon-upon palaba carik miwah tegal, manut pararem;
- ca. luput pakaryan miwah reramon;
- ra. polih apahtigan sarin canang rikala wenten aci ring kahyangan sane kaemponin;
- ka. luput saluwiring prabean wewangunan ring kahyangan sane kaemponin.

## Pawos 33

## (1) Pamangku kagentosin, riantukan :

- ha. seda;
- na. pinunas ngraga, menawi kageringan lan sapanun, gilannya;
- ca. kawusanang antuk Krama, riantukan nilar sesanan Pamangku.

## (2) Tata carane ngadegang miwah ngentosin Pamangku, kasulurang manut pararem.

## Pawos 34

- Indik Kasukertan Kahyangan, kadudonang sakadi ring oor panti 1
- (1) Sane nenten kalugra ngranjing ka pura, luwire 1
- ha. Sang katiban cuntaka, minakadi sebel ngraga 1
- 1). sebel kandel ngrajaawala, salami dereng mabreah;
  - 2). sebel antuk ngembasang putra, salami 42 rahina, patch ring sang karuron;
  - 3). sebel pangantenan, sadereng mabikala utawi makala-kalan;
  - 4). sebel riantukan kalayuaekaran, jantos puating bongker sane kaingkipun Jeroning pararem.
- na. Makta sahananing bebaktan sane ahanggeh ngletelin, manut kecap sastra agama.
- ca. Sato agung minakadi wewalungan suku pat, sajawaning rikala mapepada.
- ra. Anak alit sadereng mayusa tigang sasih.
- ka. Mabusana sane tan manut kadi tatacaraning ngranjing ka pura.
- da. Sadereng polih wak-wakan utawi pituduh saking Prajuru Desa.
- (2) Tata busanane ngranjing kapura, kasulurang manut pararem.
- (3) Pratingkahe tan wenang ring pura, luwire :
- ha. masumpah utawi macoran, sajawaning pituduh Prajuru Desa;
- na. ngamedalang wak parusya utawi wak capala;
- ca. mabanyu, makoratan, masesenengan, makolem dados asiki lanang wadon, nyangsang busana;
- ra. Ngias raga minakadi menahang wastra, menahang pusungan lan sakancan punika, sajawaning sang sulinggih miwah pinandita.
- (4) Sewosan ring Pamangku tan kalugra munggah tedun ring pasinggih-palinggih, sajawaning wit saking pituduh Prajuru Desa.
- (5) Sang mamurug kecape ring ajeng, wenang keni dewa danda, manut pamutus pararem.

## Pawos 35

- (1) Yan wenten jadma karawuhan ring pura boya saking nyanjan tur ngawinang kramane biapara, wenang keni dewa danda lan artha danda, sane kasulurang manut pararem.
- (2) Prade Kahyangan Desane kahanan durmanggala minakadi kapancabha-yan, Pamangku patut digelis masadok ring Prajuru Desa.
- (3) Indik upakara/upacara pamahayun kadurmanggalan Kahyangan Desa, mapagamel kecap sastra agama, sane kasungkemin olih Krama Desa.

## Palet 2

## Indik Resi Yajnya

## Pawos 36

- (1) Sang pacang madeg sulinggih utawi madwijati patut masadok ring Prajuru Desa miwah Parisada Hindu Dharma Indonesia.



- ra. Prade makingsan ring geni, panyanggran Krama Banjar salantur-nya, manut kadi laging pararem, jantoe pamargin upacaraane pipit.
- sa. Prade kaabenang, panyanggran Krama Banjar salantur-nya, manut kadi laging pararem, jantoe pamargin upacaraane pipit.
- (3) Tas kalugra nginepang bangbang.
- (4) Desane maweh galah ring nang kalayusekaran sajeroning pitung rahina kengin uliwa-tiwa, sajawaning wenten kabuatan tias sabing sang yajamana.
- (5) Larangan pependeman miwah palebon ring wewengkon Desa Adat ...  
 Wedek ..... kaunggahang jeroning pararem.
- (6) Prade wenten kalayusekaran rikala piodalan ring Kahyangan Desa, kengin sendes tan pasadok, tur patut ngrereh galah mamargi rikala wengi.

## Pawos 40

- (1) Desa Adat Wedek ..... ngamanggehang Indik cuntaka, sapagamel ring Pamutus Mahasabha Parisada Hindu Dharma Indonesia.
- (2) Tatacarane nyulurang kacuntakan, sapagamel kecap sastra agama, kaanutang ring drestan desa, sane kaingkupin jeroning pararem.
- (3) Sinalih tunggil krama sane kahanan cuntaka, yan durung utas, tan kalugra nyerubin genah suci druwen Desa miwah druwen sowang-sowang krama.
- (4) Sang samurug, patut keni dewa danda, manut pararem.
- (5) Sengker utas cuntaka manut kawentenannya, kasulurang sakadi ring sor puniki :
- ha. Kalayusekaran, cuntakannya kaanutang ring drestan desa miwah sastra dresta.
- na. Ngrajaswala, cuntakannya tigang rahina ngawit saking ngrajaswala, utawi salamining ngrajaswala.
- ca. Ngembasang putra, abulan pitung rahina ngawit saking outrene embas, ngantos katiwakin upakara/upacara tutug kambuhen.
- ra. Karuron, cuntakannya abulan pitung rahina ngawit saking karuron, ngantos katiwakin tirta pamrayascita.
- ka. Pawiwahan, cuntakannya ngantos sampun makala-kalian.
- da. Gamia gasana, cuntakannya ngantos sampun kapalasang, karuntutin antuk mrayascita sikien, Desa Adat miwah Kahyangan Desa.
- ta. Salah timpal, cuntakannya kapuputang manut kecap sastra agama miwah drestan desa.
- sa. Anak istri sobot salantaran lokika sanggraha kandugi nenten katiwakin upakara/upacara pabiakawonan, cuntakannya ngantos katiwakin upakara/upacara pabiakawonan.

- wa. Anak istri ngembasang putra malantaran lokika sanggraha kandugi pecak nenten katiwakin upakara/upacara pabiakawonan miwah widhi widhana, cuntakannya ngantos wenten meras anake alit, karuntutin antuk upakara/upacara manut kecap sastra agama.
- la. Sad atatayi, cuntakannya ngantos sampun mrayascita sikian miwah ngesehin prawreti.
- ma. Mamitra ngalang, cuntakannya ngantos katiwakin upakara/upacara pabiakawonan.
- (6) Cuntaka kalayusekaran/kapademan :
- ha. Kapendem, cuntakannya :
- 1). Cuntaka ka Banjar, laminipun tigang rahina ngawit saking wusan mendem, ngantos sampun maprayascita (masepuh).
  - 2). Kulawargannya sajeroning pakarangan manut dresta.
- na. Kaabenang, cuntakannya :
- 1) Cuntaka ka Banjar, manut dresta sane kapikukuh antuk pararem.
  - 2). Cuntakan sang nyambut karya pitra yajnya, manut dresta sane kapikukuh antuk pararem.
- (7). Sang katiben cuntaka, luwire :
- ha. Kalayusekaran, sane cuntaka :
- 1). sang kalayusekaran;
  - 2). kulawargannya;
  - 3). bebanjarannya.
- na. Ngrajaswala, sane cuntaka : sang ngrajaswala.
- ca. Ngembasang putra, sane cuntaka : sang maderbe putra, lanang wiadin istri, utawi yayah renan sang wahu embas.
- ra. Pawiwahan, sane cuntaka : sang mawiwaha, lanang wiadin istri.
- ka. Karuron, sane cuntaka : sang karuron rawuhing lanangnyane.
- da. Gamia gamana, sane cuntaka :
- 1). sang nglaksanayang gamia gamana;
  - 2). Desa Adatnyane.
- ta. Salah timpal, sane cuntaka :
- 1). sang nglaksanayang salah timpal;
  - 2). Desa Adatnyane.
- sa. Anak istri mobot malantaran lokika sanggraha kandugi nenten katiwakin upakara/upacara pabiakawonan, sane cuntaka : anake istri sane mobot punika.
- wa. Anak istri ngembasang putra malantaran lokika sanggraha kandugi pecak nenten katiwakin upakara/upacara pabiakawonan miwah widhi widhana, sane cuntaka :
- 1). sang ngembasang putra;
  - 2). putrane sane kaembasang.
- la. Mamitra ngalang, sane cuntaka : sang nglaksanayang mamitra ngalang punika.
- ma. Sad atatayi, sane cuntaka : sang nglaksanayang sad atatayi punika.

- (8) Sang tan keneng cuntaka, luwire :  
 na. Sang Sulinggih;  
 na. Pamangku Kahyangan Tiga rikala plodalan ring pura, risampune  
 ngalang sasih utawi ngalang tengah, kacirenin antuk ~~Prayadita~~

## Pawos 41

- (1) Pamargin atiwa-tiwa utawi pangabenan kalaksanayang mapagamel  
kecap sastra agama miwah dresta.
- (2) Pepatusan pangabenan, kasulurang manut pararem.
- (3) Pangingune ring Krama Banjar, kasulurang manut pararem.

## Palet 4

## Indik Manusa Yajnya

## Pawos 42

- (1) Krama Desa minakadi Krama Banjar, patut sareng nyanggra miwah ni-  
tenin yan wenten sinalih tunggil krama nglaksanayang Manusa Yaj-  
nya sane mabuat.
- (2) Tatacara panyanggrane inucap ring ajeng kasulurang manut pararem.
- (3) Sang pacang nglaksanayang Manusa Yajnya sane mabuat, mangda masa-  
dok ring Prajuru.
- (4) Manusa Yajnya inggih punika, upacara-upacara dharmaning kahuripan  
manusa, ngawit saking patemoning kama bang lan kama petak sajero-  
ning garbha, ngantos kalayusekaran ri wekas.
- (5) Upacara-upacara inucap ring ajeng kamargiang kanista, madhyama,  
utama, manut kecap sastra agama miwah dresta.

## Palet 5

## Indik Bhuta Yajnya

## Pawos 43

- (1) Desa Adat .~~Wondok~~.... patut nyanggra pamargin Bhuta Yajnya, marep  
ring kabuatan Desa Adat .~~Wondok~~ .....
- (2) Pidabdab pamargin Bhuta Yajnya inucap ring ajeng, napagamel ring  
kecap sastra agama, kaanutang ring drestan Desa, sane kapikukuh  
antuk pararem.
- (3) Krama Desa minakadi Krama Banjar patut sareng nyanggra sinalih  
tunggil krama sane nglaksanayang Bhuta Yajnya sane mabuat.
- (4) Sang pacang nglaksanayang Bhuta Yajnya sane mabuat, mangda masa-  
dok ring Prajuru.

## Pawos 44

- (1) Bhuta Yajnya marep ring kabuatan Desa Adat minakadi carun sasih  
miwah sane lianan, kasulurang manut pararem.
- (2) Indik pamargin palelastian utawi makiyis, kasulurang manut pararem.

- (3) Nangken waraa, rikalaning Tilem Sasih Kasanga, patut kalaksanayang Tawur Kasanga, kalanturang antuk Pangrupukan, pinaka ciboo nyanggra pangrawuh Nawa Saka Waraa (Tahun Baru Saka) ring pananggal apisan Sasih Kadasa, sane kawastanin Nyepi.
- (4) Rikalaning Nyepi, sowang-sowang Krama Desa patut ngamargiang Catur Brata Panyepian, inggih punika :
- ha. amati geni : tan kengin maapi-apl;  
na. amati karya : tan kengin nyambut karya;  
ca. amati lelangwan : tan kengin maoneng-onengau, ngwijilang su-  
ara ghora, nabuh gegambelan, lan sabancannya;  
ra. amati lelungan : tan kengin malelungayan mrika-mriki.
- (5) Catur Brata Panyepian punika kamargiang saking semeng Jantos benjangne ngedas rahina.
- (6) Mangda pamargin Catur Brata Panyepian punika trepti, patut katilikin antuk tetelik Desa sane kawastanin Pacalang Desa, tur sang mamurug patut katiwakin pamidanda, sane kasujurang manut pararem.
- (7) Benjangne ring pananggal ping kalih Sasih Kadasa, kawastanin Ngembak Geni, sowang-sowang krama patut saling ngaksamayang sane kawastanin Dharma Santi.

#### PAÑCAMAS SARGAH

#### SUKERTAN TATA PAWONGAN

#### Palet 1

#### Indik Pawiwahan

#### Pawos 45

- (1) Krama Desa minakadi Krama Banjar, patut sareng nyanggra miwah nitenin sinalih tunggil krama sane nglaksanayang pawiwahan.
- (2) Pamargin Pawiwahan, luwire :
- ha. malantaran pepadikan;  
na. malantaran ngrorod utawi marangkat (ngrangkat);  
ca. malantaran nyentana utawi nyentana nyeburin.
- (3) Indik Pawiwahan, Desa Adat Mendek..... ngamanggehang Undang - Undang Nomor 1 Tahun 1974, miwah Peraturan Pemerintah Nomor 9 Tahun 1975, indik Pawiwahan.
- (4) Tatacara panglaksanannya, mapagamel ring kecap sastra agama, kaanutan ring drestan Desa, sane kapikukuh jeroning pararem.
- (5) Sinalih tunggil krama sane pacang nglaksanayang pawiwahan, mangda masadok ring Prajuru.

## Palet 2

## Indik Nyapihan

## Pawos 46

- (1) Prajuru Desa minakadi Prajuru Banjar, wenang sareng mawosin miwah nitenin yan wenten sinalih tunggil krama sane mapikarsa pacang palas marabi, gumanti nenten kadurusan dados nyapihan.
- (2) Yan krama inucap kukuh ring pikarsannya, Desa Adat minakadi Banjar Adat, nenten sumakuta ring pamarginnya.
- (3) Saderege pastika polih pamutus saking sang ngawawenang minakadi Sang Rumawos (Pengadilan Negeri), krama inucap manggeh keni tetegenan krama, sakadi nguni.

## Palet 3

## Indik Sentana

## Pawos 47

- (1) Prajuru Desa minakadi Prajuru Banjar wenang sareng mawosin miwah nitenin yan wenten sinalih tunggil krama sane ngindikang sentana.
- (2) Indik sentana, Desa Adat ~~Wendek~~..... ngamanggehang uger-uger jagat minakadi kawicaksanaan sang maraga Guru Wisesa, kaanutang ring drestan desa, sane kapikukuh antuk pararem.
- (3) Sang pacang ngrajegang sentana, mangda masadok ring Prajuru.

## Palet 4

## Indik Warisan

## Pawos 48

- (1) Prajuru Desa minakadi Prajuru Banjar wenang sareng mawosin miwah nitenin yan wenten sinalih <sup>tunggil</sup> krama sane ngindikang warisan.
- (2) Indik Warisan, Desa Adat .. ~~Wendek~~..... ngamanggehang uger-uger jagat minakadi kawicaksanaan sang maraga Guru Wisesa, kaanutang ring drestan Desa, sane kapikukuh antuk Pararem.
- (3) Sang pacang ngindikang warisan, mangda masadok ring Prajuru.

SAT SARGAH  
WICARA LAN PAMIDANDA

Palet 1

Indik Wicara

Pawos 49

- (1) Sane wenang mawosin wicara ring wewengkon Desa Adat ~~Mawos~~.....  
inggih punika Prajuru Desa maka miwah Dulun Desa sane kawastanin  
Kerta Desa.
- (2) Prade sang mawicara tan cumpu ring Pamutus Kerta Desa, kengin  
nunasang ring Sang Rumawos.
- (3) Sahanan wicara sane mawit saking kacorahan sakaluwire sane sinang-  
geh nungkasin daging awig-awig, pasuara miwah pararem Desa/Banjar,  
patut digellis kabawosin olih Prajuru, nenten nyantos pasadok malih.
- (4) Sajaba wicara sakadi ring ajeng, patut nyantosin pasadok sang nu-  
nas bawos.
- (5) Panepase mangda pastika nyantenang iwang patut malarapan Tripra-  
mana, inggih punika : saksi, liki' i, bukti, tur panepase tan maren  
nepek ring Catur Dresta.

Palet 2

Indik Pamidanda

Pawos 50

- (1) Desa/Banjare, wenang nibakang pamidanda ring warga Desa/Banjar  
sane sisip.
- (2) Tetibak pamidanda inucap ring ajeng, kalaksanayang olih Prajuru.
- (3) Bacakan pamidanda, luwire :  
ha. ayahan panukun kasisipan;  
na. artha danda saha panikelnya, miwah panikel paturunan.  
ca. rerampagan;  
ra. kanorayang;  
ka. kawusanang makrama tur pipil karang ayahannya kawaliang;  
da. panyangaskara.
- (4) Pamidanda sane katiwakang, patut masor siinggih, manut kasisipan.
- (5) Jinah utawi arthabrana pamidanda, ngranjing dados druwen Desa/Ban-  
jar.

Pawos 51

- (1) Krama sane langkungan ring tigang paruman nglantur nenten nahur  
paturunan miwah dedandan, wenang karampag.
- (2) Tetibak rerampagan, nganutin tatacara sakadi ring sor paniki :  
ha. Kalaksanayang olih Prajuru, kasarengin antuk krama pinih  
akeh tigang diri, maka saksi.  
na. Sang ngrampag patut madarsana rikala ngambil barang minakadi  
nyawenin tanem tuwuh, sane ageng pangargannya manut ring utang  
sang karampag.

- ca. Prajuru patut mitsakatang mangda barang-barang sane karampag punika digelis katelus mangenger awuku, tur ring kutub rabi-nane pacang kalsiang utawi keadol.
- ca. Tao kengin ngrampag saluwiring barang sane patut luggilang manut kecap sastra agama, miwah mademang pangupajivan sang karampag.

Pawos 52

- (1) Prade sang pacang karampag mialangin pamargin rerampagan inucap, mawantu sampun tan nganutin linging awig-awig, krama inucap wenang kanerayang.
- (2) Yan krama inucap manggeh piwal yadiastun sajeroning makudang - kudang paruman sampun kawehin patinget sakewanten mangeh piwal, tan wenten pamargi uwos, sajawaning krama inucap kawulanang makrama Desa/Banjar, tur pipil karang ayahannya kawaliang ring Desa Adat.
- (3) Rerampagan inucap ring ajeng kabawos buntas, risampun sang keni rerampagan punika :
  - ha. Nunas geng rena sinampura ring ajeng Krama Desa/Banjar, riantukan piwal ring pasubaya sane pecak sampun kararemin.
  - na. Nahur pangargan panguwak pasubaya sadaweg pacang karampag, kadulurin antuk prayascita.

SAPTAMAS SARGAH  
 NGUWAH-UWUHIN AWIG-AWIG

Pawos 53

- (1) Nguwah-uwuhin Awig-Awig Desa puniki, wantah kengin kalaksanayang antuk Paruman Krama Desa.
- (2) Pakarsane nguwah-uwuhin punika, mangda mawit saking pakarsan Krama Desa, yadiastun kamedalang antuk sinalih tunggil Prajuru, utawi sinarengan.

Pawos 54

- (1) Sakaluwiring indik sane sampun kamargiang sadereng awig-awig puniki kasurat, mangda kaanutang ring sadaging awig-awig puniki.
- (2) Sakaluwir sane durung kasurat sajeroning awig-awig puniki, menawi kangkat kanggen mitegepin awig-awig puniki, pacang kasurat jeroning Pararem.

ASTANA SARGAH  
S A R G A H P T A

Pawon 55

- (1) Awig-awig puniki kawantenan Awig-Awig Desa Adat Mendek.
  - (2) Awig-awig puniki kamargiang ngawi kalingkupin utawi kararemin;
- Pawon 56
- (1) Awig-awig puniki kararemin duk rahina Anggara Wage, Wuku, Uku-  
pasanggal ping: 15 masih Kedasa Isaka Warsa, 1922, Tanggal 18 April 2000
  - (2) Awig-awig puniki kelinggatangamin antuk Bendesa Adat Mendek,  
tur kapikukuh antuk Mardhaning Pamikukuh Bupati Kepala Daerah  
Tingkat II Tabanan.
  - (3) Register Nomor : .....

Luwir nang nglinggatangamin :

- 1). Bendesa Adat Mendek .



I WAJAH SUKASANA

- 2). Kelihan Adat Mendek


I NYOMAN SARBA.

Saksi-saksi :

- 1). Kepala Dusun Mendek.



- 2). Kepala Desa WANAGIRI




I Nyoman Rara .

- 3). Ketua PPHI Kec. Selamadeg.



I NYOMAN WIDADA .


- 4) Camat Selamadeg.



I KETUT DENIA.

Kawikanin Olih:

1). Ketua BPPA Kabupaten  
Daerah Tingkat II Tabanan

  
Drs. I WAYAN WAPA.

2). Ketua FHM Departemen  
Daerah Tingkat II Tabanan.



Drs. IMALE SAMBA.

Kepala Kantor Departemen Agama  
Kabupaten Tabanan.



Drs. M WAYAN SENATRA.



M ADI KIRYATAMA, BA

## LEPIHAN I .

### TETAPAN NYASA MIWAH SASANTIN DESA ADAT MENDEK .

1. Sibeh bucu lima , mateges : Desa Adat Mendek , mapikukuh antuk Pancasila , Dasar miwah Darsanan Jagat Republik Indonesia .
2. Swastika , mateges : Krama Desa Adat Mendek , nginggilang miwah nyungkemin Agama Hindu .
3. Undag palih tiga , mateges : Tilosan ring mapikukuh antuk Pancasila , Desa Adat Mendek taler mapikukuh antuk Tri Hita Karana .
4. Candi bentar , mateges ; sajeroning nginggilang miwah nyungkemin Agama Hindu . Krama Desa Adat Mendek , tan mari ngamanggahang tata - titi manut sadacara Agama Hindu .
5. Carik lan semak - semak alit sane nyerupain wastra endek , Mateges : Dados Desa Adat Mendek .
6. Semut sane ngerayang ring Candi Bentar kiwa tengen , Mateges : Rihin Banjar Adat Tegal Nangka nahanin kasorang semut , kandugi akeh pisan Krama Banjar Tegal Nangka sane rarud ka Desa Adat Banjar Mendek .
7. Gunung utawi Giri , mateges : Desa Adat Mendek magenah ring wewengkon Desa Wanagiri .
8. Padi lan kapas , mateges : Sajeroning ngupadi jagddhita , Kerama Desa Adat Mendek , tan mari nglimbakan sandang miwah pangan , minakadi bhoga miwah Upabhoga .
9. Ante nemu gelang , mateges : Krama Desa Adat tan mari ngemanggahang pakilit pasikian , patiti pangancan antuk idep sagilik - saguluk , salunglung sabhayan taka .
10. Sasanti : Andresangsya Mukyaning Dharma , mateges : Nenten Umangen suka ngraga , kabawosang ajah - ajah Dharma sane pinih inggil .